

Na seminaru OHR-a usvojen akcioni plan za borbu protiv pranja novca

Učesnici seminara koji je danas organiziralo Odjeljenje za borbu protiv korupcije OHR-a (AFD) usvojili su akcioni plan koji ima za cilj jačanje mehanizama koji se trenutno koriste u BiH u borbi protiv pranja novca.

Osnovni elementi akcionog plana su:

1. Pravna reforma: ojačati postojeće zakonodavstvo za prevenciju pranja novca i potpisati i ratificirati odgovarajuće međunarodne konvencije;
2. Unapređenje sistema: pripremiti strategiju o tome kako osnovati multiagencijski sistem prevencije i kontrole pranja novca;
3. Izgradnja kapaciteta: obučiti odgovarajuće organe za primjenu sistemskog pristupa prevenciji;
4. Podizanje svijesti, u građanskom društvu, medijima i na drugim instancama o važnosti strategije protiv pranja novca;
5. Prezentirati akcioni plan vladama.

“Pranje novca je nedjeljiv dio korupcije, organiziranog kriminala, prevare, krijumčarenja i ostalih privrednih

prestupa", šef AFD-a Manfred Dauster je rekao učesnicima seminara. Dalje je naglasio da globalni problem pranja novca ima nesrazmjerno veliki uticaj na zemlje u tranziciji, kao što je BiH, te da prijeti njihovoj ekonomskoj i političkoj stabilnosti i istovremeno odbija legitimno dugoročno investiranje. "Sposobnost kriminalaca da skupe i ozakone svoje bogatsvo vodi potencijalnom miniranju demokratskih institucija i subverziji cijele ekonomije", rekao je gosp. Dauster.

Na seminaru je izvršena procjena međunarodnih instrumenata koji se trenutno koriste u borbi protiv pranja novca i evaluirani su mehanizmi prevencije pranja novca koji već postoje u BiH.

Seminaru su prisustvovali Peter Nicholl, guverner Centralne banke BiH, Mirsad Bajraktarević, šef odjeljenja Financijske policije FBiH u Sarajevu, Jovan Spaić, zamjenik javnog tužioca RS i predstavnici sudskih i organa za provedbu zakona u BiH, kao i predstavnici međunarodnih organizacija, banaka u BiH i bankarskih agencija iz oba entiteta.